

Monte acutu Sant'Alvara iddha  
 su fundhu e Limbara est in luttu  
 Sant'Alvara iddha monte acutu  
 est in luttu su fundhu e limbara  
 iddha monte acutu Sant'Alvara.

Fora e legge sa sente barbara  
 tot'imprudente es de malu gregge  
 sa sente barbara fora e legge  
 es de malu gregge tot'imprudente  
 barbara fora e legge sa sente.

Toltu in su ighinu su selpente  
 ha su entinu e nuddha isoltu  
 in su ighinu su selpente toltu  
 e nuddha isoltu e su entinu  
 su selpente toltu in su eghinu.

Sos batos muros s'insoro destinu  
 de Huoro che pedra cori duros  
 s'insoro destinu sos batos muros  
 che pedra cori duros de Huoro  
 destinu sos batos muros s'insoro.

Pietrinu Crasta mente e coro  
 fi de bona pasta genuina  
 Crasta mente e coro Pietrinu  
 genuinu fi de bona pasta  
 mente e coro Pietrinu Crasta.

In su viaggiu l'hana nadu basta  
 presu e bendhadu ite coraggiu  
 l'hana nadu basta in su viaggiu  
 ite coraggiu presu e bendhadu  
 basta in su viaggiu l'hana nadu.

E chena pidade infregiadu  
 peruna caridade ite pena  
 pidade infregiadu e chena  
 ite pena peruna caridade  
 infregiadu e chena pidade.

Sa muzere, fijos, sorres e frades  
 dola fastizos e dispiaghene  
 fijos, sorres e frades sa muzere  
 e dispiaghene dola fastizos  
 sorres e frades sa muzere e fijos.

Salve



Ohtieri de s'isola sa giae  
cantu ola si sola s'aberi  
de s'isola sa giae Ohtieri  
si sola s'aberi cantu ola  
sa giae Ohtieri de s'isola.

---

Su tema é liberu in s'iscola  
es divinu misteru su problema  
é liberu in s'iscola su tema  
su problema es divinu misteru  
in s'iscola su tema e liberu.

---

Ispiegadu giaru e fieru  
bi cherede imparu de altu gradu  
giaru e fieru ispiegadu  
de altu gradu bi cherede imparu  
e fieru ispiegadu giaru.

---

Funtana Cantareddu chen'imaru  
fida de Antoni Cubeddu paesana  
Cantareddu cen'imaru funtana  
paesana fidi de Antoni Cubeddu  
chen'imaru funtana Cantareddu.

---

Es trainu currendhe appereddu  
infundhendhe es tottu su terrinu  
currendhe appereddu es trainu  
es tottu su terrinu infundhendhe  
appereddu es trainu currendhe.

---

Ichinusa licona allattendhe  
in sa zona lea palte sa musa  
licona allattendhe ichinusa  
lea palte sa musa in sa zona  
allattendhe ichinusa licona.

---

Es vena naturale tantu ona  
mudha onsi canale sa piona  
naturale tantu ona es vena  
sa piona mudha onsi canale  
tantu ona es vena naturale.

---

Contrada in Saldigna prinsipale  
sa pius digna chi es mentovada  
in Saldigna prinsipale contrada  
chi es mentovada sa pius digna  
prinsipale contrada in Saldigna.

Labe



Santa Maria es mama e Deu  
est sa fiama chi ada lughe ia  
est mama e Deu Santa Maria  
chi ada lughe ia e sa fiama  
e Deu Santa Maria est mama.

---

Chena peccadu netta e sa fama  
é sa pius perfetta chi sia nada  
netta a sa fama chena peccadu  
chi sia nada é sa pius perfetta  
a sa fama chena peccadu netta.

---

In sos chelos de gloria cumpletu  
canta vittoria con sos Anghelos  
de gloria completa in sos chelos  
con sos Anghelos canta vittoria  
cumpleta in sos chelos de gloria.

---

Duamissa annos ada de istoria  
illuminada a minores e mannos  
ada de istoria duamissa annos  
minores e mannos illuminada  
de istoria duamissa annos ada.

---

Ha regnada continu e regnada  
in su regnu divinu immaculadu  
continu regnada ada regnada  
immaculada in su regnu divinu  
regnada ada regnadu continu.

---

Su fisu el Gesusu de su sinu  
su piusu chi ha tentu malturissu  
el Gesusu de su sinu su fisu  
chi ha tentu malturissu su piusu  
de su sinu su fisu el Gesusu.

---

Moltu resuscitadu chi messusu  
es torrada chena rughe assoltu  
resuscitadu chi messusu moltu  
chena rughe assoltu es torrada  
chi messusu moltu resuscitadu.

---

Pro sa culpa e s'inumana dotadu  
cristianu es de sa nostra pulpa  
e s'inumana dotadu pro sa culpa  
es de sa nostra pulpa cristianu  
dotadu pro sa culpa e s'inumana.

Salve